



Arkivnr: 2014/15640-2  
Saksbehandlar: Brit Mari Heggøy

## Saksframlegg

### Saksgang

## Møteplan 2015 for fylkeskommunale organ

### Samandrag

Det vert med dette lagt fram forslag til møteplan for 2015 etter stort sett same modell som tidlegare. Dei andre fylkeskommunale organa som ikkje er tatt med her fastset, møteplanen sin sjølv. På den optrykte/elektroniske møteplanen vil ein også ta med dei møtedatoane.

### Forslag til vedtak

Fylkesutvalet vedtek møteplan for 2015 for fylkestinget, fylkesutvalet, kultur- og ressursutvalet, opplærings- og helseutvalet, samferdselsutvalet, administrasjonsutvalet og fylkesvalstyret.

Johnny Stiansen  
fung. fylkesrådmann

Ingrid Kristine Holm Svendsen  
fylkesdirektør organisasjon

*Saksframlegget er godkjent elektronisk og har derfor inga underskrift.*

## Fylkesrådmannen, 25.04.2014

Etter kommunelova § 32 er det organet sjølv eller fylkestinget som fastset møtetidspunkt for fylkeskommunale organ. I delegasjonsreglementet - reglement for sakshandsaming pkt. 5 har fylkestinget delegert til fylkesutvalet å handsama møteplan for fylkestinget, fylkesutvalet, utvala, administrasjonsutvalet og fylkesvalstyret.

Andre organ som kontrollutvalet, klagenemnda, yrkesopplæringsnemnda, fylkeseldrerådet, rådet for menneske med nedsett funksjonsevne, valnemnda og fagskulestyret fastset sjølv møtetidspunkt.

Det har vore praksis at utkast til møteplan har blitt lagt fram for kultur- og ressursutvalet, opplærings- og helseutvalet og samferdselsutvalet som melding. Møte i andre utval og råd enn dei som er nemnde i reglementet pkt. 5 vert tekne med i opptrykt/elektronisk oversikt så sant organa har vedteke møteplanar.

Fylkesutvalet vedtok i desember 2013 møteplan for 1. halvår 2015. Etter planen skulle møteplan for 2. halvår leggjast fram i april 2014.

I fylkesutvalet 30.01.14 kom det forslag om at opplærings- og helseutvalet og samferdselsutvalet skal gi uttale til kultur- og ressursutvalet i opplæringspolitiske og samferdselspolitiske saker. Det vert lagt fram sak om endring i delegasjonsreglementet i samsvar med forslaget til junitinget med innstilling i fylkesutvalet i mai. Dersom forslaget vert vedteke, vil det ha konsekvensar for møteplanen, også den som er vedteken for 1. halvår 2015.

Det er tidlegare gjort vedtak i fylkesutvalet om at kultur- og ressursutvalet, opplærings- og helseutvalet og samferdselsutvalet skal ha møte i same veka (fylkesutvalet 26.09.12). Vidare har det vore praksis over fleire år at kultur- og ressursutvalet og opplærings- og helseutvalet som hovudregel har møte tysdag og samferdselsutvalet har møte onsdag. Det vert i vedlagde forslag til møteplan for 2015 lagt opp til at kultur- og ressursutvalet får torsdag som møtedag slik at innstillingane frå dei andre utvala kan verta lagde fram.

I utkastet til møteplan er det ikkje gjort endringar med omsyn til møtedag for opplærings- og helseutvalet (tysdag), samferdselsutvalet (onsdag) og fylkesutvalet (torsdag) med nokre unntak: Fylkesutvalet sitt møte i mai er lagt til tysdag i staden for torsdag av omsyn til festspelarrangement. Samferdselsutvalet sitt møte i mai er lagt til tysdag og kultur- og ressursutvalet sitt møte til onsdag då torsdag er Kristi himmelfartsdag. Desse endringane vert foreslått av omsyn til vidare saksgang til fylkesutvalet og fylkestinget. Alternativt må møta i utvala leggjast ei veke tidlegare.

Det er eit krav i kommunelova § 45 at innstillinga til årsbudsjettet med alle forslag til vedtak skal leggjast ut til alminneleg ettersyn minst 14 dagar før den skal behandlast i fylkestinget. Dette er det teke omsyn til i tidsavstanden mellom fylkesutvalet i november og fylkestinget i desember.

Når møteplanen skal leggjast, er saksgangen utval – fylkesutval – fylkesting eit viktig utgangspunkt med tanke på at innstilling frå relevante organ skal vera klar før det skal gjerast vedtak.

### Val 2015

Det er fylkestingsval i 2015. Det er i møteplanen lagt til grunn at 14. september er valdag (andre måndag i september slik det brukar å vera). Det er foreslått eit møte for fylkesvalstyret i slutten av mai for godkjenning av vallister til fylkestingsvalet. Det kan vera behov for fleire møte i fylkesvalstyret i løpet av våren. I august er det foreslått eit møte for val av arbeidsgrupper m.v. Det er lagt opp til at fylkesvalstyret har møte for godkjenning av valoppgjeret 23. september. Konstituerande fylkestinget er lagt til 14. oktober med ekstra fylkesting for val til styre, råd og utval den 27. oktober.

Det er elles teke omsyn til følgjande:

Vinterferie for dei fleste skulane i veke 9

Påske 30. mars – 6. april

Kristi himmelfartsdag 14. mai

Pinse 24. – 25. mai

Festspela 20. mai – 3. juni (truleg slik, ikkje annonsert så langt)

Fylkestingsval 14. september

Hautferie truleg veke 41

Vedtak i FU-sak 228/12 om at kultur- og ressursutvalet, opplærings- og helseutvalet og samferdselsutvalet skal ha møte i same veka.

**MØTEPLAN 2015 - UTKAST**

	Jan.	Febr.	Mars	April	Mai	Juni	Juli	Aug.	Sept.	Okt.	Nov.	Des.
Fylkestinget			10.-11.			9.-10.				13.-14. 27.		8.-9.
Fylkesutvalet	29.	18.-19.	26.	22.-23.	19.	18.		27.	23.-24.	29.	18.-19.	3.
Kultur- og ressursutvalet	22.	11.-12.	19.	16.	13.	4.		20.	10.	1.	12.	
Opplærings- og helseutvalet	20.	10.	17.	14.-15.	12.	2.		18.	8. 29.		10.	
Samferdselsutvalet	21.	11.	18.	14.-15.	12.	3.		19.	9. 30.		11.	
Administrasjonsutvalet			25.			17.					12.	
Fylkesvalstyret					28.			27.	23.			
Klagenemnda												
Kontrollutvalet												



**HORDALAND  
FYLKESKOMMUNE**

Administrasjonseksjonen  
- Org avd